



Broj: 07-11-1878/24
Vogošća, 05.12.2024. godine

Na osnovu člana 70. Zakona o javnim nabavkama BiH ("Službeni glasnik BiH" broj: 39/14, 59/22 i 50/24), i čl. 71. i 125. Statuta Općine Vogošća ("Službene novine Kantona Sarajevo", broj: 27/14, 14/15, 9/20 i 23/24), Općinski načelnik dana 05.12.2024. godine donio je

**ODLUKU
O IZBORU NAJPOVOLJNIJEG PONUĐAČA ZA NABAVKU DODATNIH RADOVA U SLUČAJU
HITNIH INTERVENCIJA NA OBJEKTIMA KOMUNALNE INFRASTRUKTURE NA PODRUČJU
OPĆINE VOGOŠĆA (BUŠĆA)**

Član 1.

Konačna Ponuda ponuđača "Hidrom" d.o.o. Vogošća, ulica Naselje Rosulje, Nova Vogošća blok 11. Vogošća, odabrana je za izvođenje dodatnih radova u slučaju hitnih intervencija na objektima komunalne infrastrukture na području općine Vogošća (Bušća), a nakon provedenog Pregovaračkog postupka bez objave obavještenja o nabavci, sa ukupnom cijenom nabavke u iznosu od 9.100,00 KM bez uračunatog PDV-a odnosno 10.647,00 KM sa uračunatim PDV-om.

Član 2.

Odluka o izboru najpovoljnijeg ponuđača će biti objavljena na web stranici Općine Vogošća, istovremeno s upućivanjem ponuđaču koji je učestvovao u postupku javne nabavke, u skladu sa članom 70. stav 6. Zakona o javnim nabavkama BiH.

OBRAZLOŽENJE

Općinski načelnik je dana 20.11.2024. godine donošenjem Odluke o pokretanju pregovaračkog postupka bez objave obavještenja sa jednim ponuđačem broj: 07-11-1878/24, pokrenuo postupak nabavke dodatnih radova u slučaju hitnih intervencija na objektima komunalne infrastrukture na području općine Vogošća (Bušća), putem Pregovaračkog postupka bez objave obavještenja o nabavci sa jednim ponuđačem, uz objavu Informacije o pregovaračkom postupku bez objave obavještenja o nabavci na Portalu javnih nabavki BiH broj: 1353-4-3-251-20-6/24 dana 20.11.2024. godine.

Pozvani ponuđač/kandidat "Hidrom" d.o.o. Vogošća je dana 21.11.2024. godine sa Portala JN preuzeo Tendersku dokumentaciju za fazu pretkvalifikacije (I dio-Poziv za učešće).

Krajnji rok za dostavu Zahtjeva za učešće i pretkvalifikacione dokumentacije bio je 26.11.2024. godine (utorak) do 10:00 sati.

Na prvoj sjednici Komisije za javne nabavke, prilikom otvaranja početne ponude dana 26.11.2024. godine, Komisija za javne nabavke je utvrdila da je na protokol kao blagovremen zaprimljen Zahtjev za učešće i pretkvalifikaciona dokumentacije ponuđača/kandidata "Hidrom" d.o.o. Vogošća, broj int. knjige 370/24.

Nakon izvršenog otvaranja zaprimljenog Zahtjeva za učešće i pretkvalifikacione dokumentacije, Komisija za javne nabavke je pristupila analizi dokumentacije, u smislu provjere njene validnosti, s obzirom na iskazane zahtjeve ugovornog organa u Tenderskoj dokumentaciji za fazu pretkvalifikacije broj: 07-11-1878/24 iz novembra 2024. godine, odnosno pregledu dokumentacije u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima, nakon čega je utvrđeno da dostavljena kvalifikaciona dokumentacija i Zahtjev za učešće ponuđača/kandidata "Hidrom" d.o.o. Vogošća ispunjavaju tražene kvalifikacione uslove, odnosno zahtjeve ugovornog organa tražene Tenderskom dokumentacijom za fazu pretkvalifikacije.

Obzirom da su pristigla kvalifikaciona dokumentacija i Zahtjev za učešće ispunjavali tražene kvalifikacione uslove, odnosno zahtjeve ugovornog organa tražene Tenderskom dokumentacijom, Komisija za javne nabavke je jednoglasno dala preporuku Općinskom načelniku da donese Odluku o kvalificiranosti ponuđača "Hidrom" d.o.o. Vogošća, za nabavku dodatnih radova u slučaju hitnih intervencija na objektima komunalne infrastrukture na području općine Vogošća (Bušća), putem Pregovaračkog postupka bez objave obavještenja o nabavci.

Dana 26.11.2024. godine Općinski načelnik je donio Odluku broj: 07-11-1878/24, o kvalificiranosti ponuđača u pregovaračkom postupku bez objave obavještenja o nabavci, za nabavku dodatnih radova u slučaju hitnih intervencija na objektima komunalne infrastrukture na području općine Vogošća (Bušća), kojom je kvalifikaciona dokumentacija i Zahtjev za učešće ponuđača/kandidata "Hidrom" d.o.o. Vogošća ocijenjena kao formalno-pravno prihvatljiva.

Nakon donošenja Odluke o kvalificiranosti ponuđača, ponuđaču "Hidrom" d.o.o. Vogošća je putem Portala JN omogućeno preuzimanje Tenderske dokumentacije za izradu početne/inicijalne ponude-II dio, zajedno sa pozivom za dostavu početne/inicijalne ponude kao i sudjelovanje u pregovaračkom postupku bez objave obavještenja o nabavci.

Krajnji rok za dostavu početne/inicijalne ponude bio je 02.12.2024. godine (ponedjeljak) do 10:00 sati.

Komisija za javne nabavke je kroz Zapisnik o obavljenim pregovorima od 02.12.2024. godine konstatovala da je na protokol ugovornog organa kao blagovremena pristigla početna/inicijalna ponuda ponuđača "Hidrom" d.o.o. Vogošća, broj int. knjige 375/24 od 02.12.2024. godine, za nabavku dodatnih radova u slučaju hitnih intervencija na objektima komunalne infrastrukture na području općine Vogošća (Bušća), putem Pregovaračkog postupka bez objave obavještenja o nabavci sa jednim ponuđačem.

Ponuđena ukupna cijena nabavke iznosi 9.100,00 KM bez uračunatog PDV-a odnosno 10.647,00 KM sa uračunatim PDV-om.

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila da je početna/inicijalna ponuda ponuđača "Hidrom" d.o.o. Vogošća formalno-pravno ispravna te da ispunjava uslove, odnosno zahtjeve ugovornog organa tražene Tenderskom dokumentacijom.

Zatim je Komisija za javne nabavke pristupila razmatranju finansijskog dijela početne ponude ponuđača "Hidrom" d.o.o. Vogošća, te je izvršena računska provjera dostavljene početne ponude i utvrđeno je da nema računskih grešaka, a sve u skladu sa odredbom člana 17. stav 1. Uputstva za pripremu modela tenderske dokumentacije i ponuda ("Službeni glasnik BiH" broj: 90/14 i 20/15).

Obzirom da je pristigla početna/inicijalna ponuda ispunjavala formalno-pravne uslove, odnosno zahtjeve ugovornog organa tražene Tenderskom dokumentacijom, Komisija za javne nabavke je pristupila fazi pregovora sa ponuđačem "Hidrom" d.o.o. Vogošća.

U skladu sa članom 136. stav 2. i članom 147. stav 2. Zakon o upravnom postupku Federacije BiH ("Službene novine Federacije BiH" broj: 2/98, 48/99 i 61/22) pregovori sa ponuđačem su se obavljali telefonskim putem.

Ispred ponuđača "Hidrom" d.o.o. Vogošća pregovore je obavljao Haris Šećerović, direktori firme "Hidrom" d.o.o. Vogošća.

Ispred ugovornog organa Općine Vogošća pregovore je obavljala Komisija za javne nabavke.

Predmet pregovora je bila ponuđena cijena tj. ponuđeni iznos za nabavku dodatnih radova u slučaju hitnih intervencija na objektima komunalne infrastrukture na području općine Vogošća (Bušća) u iznosu od 9.100,00 KM bez uračunatog PDV-a odnosno 10.647,00 KM sa uračunatim PDV-om.

Nakon završenog postupka pregovaranja Komisija za javne nabavke je konstatovala da ponuđač "Hidrom" d.o.o. Vogošća nije pristao na sniženje svoje ponuđene cijene iz početne Ponude.

Općina Vogošća kao ugovorni organ je na Portalu JN učinila dostupnom Tendersku dokumentaciju za izradu konačne ponude-III dio, koja je sadržavala zahtjev za predaju konačne ponude, obrazac za konačnu ponudu, obrazac za konačnu cijenu ponude kao i Nacrtnog Ugovora (Aneks 1, 2 i 3).

Ponuđač je bio dužan preuzeti TD za izradu konačne ponude-III dio sa Portala JN BiH i dostaviti traženu dokumentaciju (konačnu ponudu) najkasnije dana 05.12.2024. godine do 10:00 sati, na protokol ugovornog organa.

Dana 05.12.2024. godine Ponuđač "Hidrom" d.o.o. Vogošća je na protokol ugovornog organa kao blagovremenu dostavio konačnu ponudu za nabavku dodatnih radova u slučaju hitnih intervencija na objektima komunalne infrastrukture na području općine Vogošća (Bušća), putem Pregovaračkog postupka bez objave obavještenja o nabavci sa jednim ponuđačem, broj int. knjige 385/24 od 05.12.2024. godine, sa ponuđenom ukupnom cijenom nabavke u iznosu od 9.100,00 KM bez uračunatog PDV-a.

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila da je konačna ponuda ponuđača "Hidrom" d.o.o. Vogošća formalno-pravno ispravna te da ispunjava uslove, odnosno zahtjeve ugovornog organa tražene Tenderskom dokumentacijom za izradu konačne ponude-III dio.

Zatim je Komisija za javne nabavke pristupila razmatranju finansijskog dijela konačne ponude ponuđača "Hidrom" d.o.o. Vogošća, te je izvršena računaska provjera dostavljene konačne ponude i utvrđeno je da nema računskih grešaka, a sve u skladu sa odredbom člana 17. stav 1. Uputstva za pripremu modela tenderske dokumentacije i ponuda ("Službeni glasnik BiH" broj: 90/14 i 20/15).

Iz navedenih razloga, Komisija za javne nabavke je ocijenila konačnu ponudu ponuđača "Hidrom" d.o.o. Vogošća kao prihvatljivu za ugovorni organ sa stanovišta procijenjene vrijednosti nabavke, te je jednoglasno dala preporuku Općinskom načelniku da donese Odluku o izboru najpovoljnijeg ponuđača "Hidrom" d.o.o. Vogošća, za izvođenje dodatnih radova u slučaju hitnih intervencija na objektima komunalne infrastrukture na području općine Vogošća (Bušća), sa ponuđenom ukupnom cijenom nabavke u iznosu od 9.100,00 KM bez uračunatog PDV-a odnosno 10.647,00 KM sa uračunatim PDV-om.

Pouka o pravnom lijeku: Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o izboru najpovoljnijeg ponuđača izjaviti žalbu. Žalba se podnosi Uredu za razmatranje žalbi BiH putem ugovornog organa.

Izradio: Mirza Čutura

Mirza Čutura

Kontrolisala: Melisa Kršo

Melisa Kršo



OPĆINSKI NAČELNIK

Migdad Hasanović

Migdad Hasanović

Dostavljeno:

1. "Hidrom" d.o.o. Vogošća
2. Nadležnoj Službi
3. U dosije
4. a/a

hidrom.doo@hotmail.com